

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

ՈՍՏԻԿԱՆՈՒԹՅԱՆ ՊԵՏ

ՀՐԱՄԱՆ



Թիվ 3527-Ն

ՈՍՏԻԿԱՆՈՒԹՅԱՆ ՄԱՅՈՐ ԶՈՐԱԲ
ԱՆԴՐԱՆԻԿԻ ԳԱԼՍՏՅԱՆԻՆ ԿԱՐԳԱՊԱՀԱԿԱՆ
ՏՈՒՅԺԻ ԿԱՐԳՈՎ ՀՀ ՈՍՏԻԿԱՆՈՒԹՅՈՒՆՈՒՄ
ԾԱՌԱՅՈՒԹՅՈՒՆԻՑ ԱԶԱՏԵԼՈՒ ՄԱՍԻՆ

ՀՀ ոստիկանության Երևան քաղաքի վարչության Էրեբունու բաժնի անչափահասների գործերով և ընտանիքում բռնության կանխարգելման բաժանմունքի պետ, ոստիկանության մայոր Զոհրաբ Անդրանիկի Գալստյանը 2022թ. հոկտեմբերի 20-ից մինչ օրս՝ 30 օր, առանց հարգելի պատճառների, մեկ և ավելի աշխատանքային օրեր չի ներկայացել ծառայության:

Բացի այդ, Զոհրաբ Գալստյանը չի պահպանել ՀՀ իրավական ակտերի պահանջները, այն է՝ անփութ վերաբերմունք է դրսևորել իր ծառայողական վկայականի պահպանման նկատմամբ, ինչի արդյունքում 2022թ. հոկտեմբեր ամսին՝ իրեն անհայտ պայմաններում, կորցրել է ծառայողական վկայականը (քարտ, կաշվե պատյան և կրծքանշան): Դրանով իսկ Զոհրաբ Գալստյանը խախտել է «Ոստիկանության ծառայողի ծառայողական վկայականի ձևը և տալու կարգը սահմանելու մասին» ՀՀ ոստիկանության պետի 2020թ. մարտի 2-ի թիվ 13-Լ հրամանի պահանջները:

Այսինքն՝ ոստիկանության մայոր Զոհրաբ Գալստյանը թույլ է տվել «Ոստիկանությունում ծառայության մասին» ՀՀ օրենքի 42-րդ հոդվածի 3-րդ մասի 6-րդ կետով նախատեսված կարգապահական կոպիտ խախտում, բացի այդ, խախտել է «Հայաստանի Հանրապետության ոստիկանության ներքին կարգապահության կանոնները» հաստատելու մասին ՀՀ ոստիկանության պետի 2018թ. հոկտեմբերի 30-ի թիվ 10-Լ հրամանի 33-րդ կետի 1-ին ենթակետի պահանջները:

Ոստիկանության մայոր Զոհրաբ Գալստյանին կարգապահական պատասխանատվության ենթարկելու հարցը 2022թ. նոյեմբերի 18-ին քննարկվել է ՀՀ ոստիկանության կարգապահական հանձնաժողովում, ինչի արդյունքում որոշում է կայացվել միջնորդել ՀՀ ոստիկանության պետին՝ ոստիկանության մայոր Զոհրաբ Գալստյանի նկատմամբ կիրառել «ոստիկանությունից ազատում» կարգապահական տույժը:

Ելնելով վերոգրյալից, հիմք ընդունելով «Ոստիկանությունում ծառայության մասին» ՀՀ օրենքի 42-րդ հոդվածի 1-ին մասի 8-րդ կետը, նույն հոդվածի 3-րդ մասի 6-րդ կետը և ղեկավարվելով 43-րդ հոդվածի 6-րդ մասով, 45-րդ հոդվածի 1-ին մասի 6-րդ կետով, ինչպես նաև «ՀՀ ոստիկանության կարգապահական կանոնագիրքը հաստատելու մասին» ՀՀ օրենքով

Հ Ր Ա Մ Ա Յ ՈՒ Մ Ե Մ


1. Կարգապահական կոպիտ խախտում թույլ տալու՝ 2022թ. հոկտեմբերի 20-ից մինչ օրս առանց հարգելի պատճառների, մեկ և ավելի աշխատանքային օրեր ծառայության չներկայանալու համար՝ ՀՀ ոստիկանության Երևան քաղաքի վարչության Էրեբունու բաժնի անչափահասների գործերով և ընտանիքում բռնության կանխարգելման բաժանմունքի պետ, ոստիկանության մայոր Զոհրաբ Անդրանիկի Գալստյանին կարգապահական տույժի կարգով ազատել ՀՀ ոստիկանությունում ծառայությունից:

2. ՀՀ ոստիկանության Երևան քաղաքի վարչության պետ, ոստիկանության գնդապետ Սևան Քոչարյանին՝

- հրամանի մասին սահմանված կարգով և ժամկետում տեղեկացնել ոստիկանության մայոր Զոհրաբ Գալստյանին:

3. Հրամանը հայտարարել ՀՀ ոստիկանության բարձրագույն, գլխավոր և ավագ խմբերի պաշտոններ զբաղեցնող ծառայողներին:

ՈՍՏԻԿԱՆՈՒԹՅԱՆ ԳԵՆԵՐԱԼ-ՄԱՅՈՐ



Վ.Ռ. ՂԱԶԱՐՅԱՆ

« 21 » նոյեմբերի 2022թ.

քաղ. Երևան